

# ՍՏԵՓԱՆՈՍ ՆԱԽԱՎԿԱՅԻ ԿԵՐՊԱՐԸ ՀԱՅ ՄԻՋՆԱԴԱՐԵԱՆ ԳՐԱԿԱՆՈՒԹԵԱՆ ԵՒ ԲԱՆԱՀԻՍՈՒԹԵԱՆ ՄԷՋ

ԼԻԱՆԱ ԱԻԵՏԻՍԵԱՆ  
Lian19921992@mail.ru

## ՄՈՒՏՔ

Սուրբ Ստեփանոսը ընդհանրական եկեղեցու սրբերից է: Միջնադարեան տաղերում յանուն Քրիստոսի առաջին նահատակը արդէն ի յայտ է գալիս որպէս յանուն քրիստոնէութեան ինքնազոհաբերութեան խորհրդանիշ: Նա նաեւ համարում է Քրիստոսի առաջ բարեխօս, դրանով իսկ մտնելով բարեխօս-սրբերի խմբի մէջ՝ Աստուածածնի, Յովիաննոս Կարապետի եւ Գրիգոր Լուսատուրչի կողքին: Այս թեմային անդրադարձել է Ներսէս Շնորհալի կաթողիկոսը իր՝ «Քարոզ Ձայնի Յաւետարանին, Տեառն Ներսէսի» տաղի մէջ: Ստեփանոսի վարքը արծարծում է ճառընտիրներում, յայսմատուրքներում եւ.: ԺԹ. դարից սկսած գրառուել են Ստեփանոս Նախավկային նուիրուած ժողովրդական ասանդազոյցներ, երգեր, հանելուկներ, որոնց մէջ նրա հետ կապուած են աստուածաշնչեան պատումներից շեղուղ *մոպիներ*: Հայ եկեղեցին Ստեփանոս Նախավկայի յիշատակը նշում է Դեկտեմբերի 26ին:

## ՍՏԵՓԱՆՈՍ ՆԱԽԱՎԿԱՅԻ

### ԱՍՏՈՒԱԾԱՇՆՉԵԱՆ-ԵԿԵՂԵՑԱԿԱՆ ԿԵՐՊԱՐԸ

Ս. Ստեփանոս Նախավկան (Πρωτομάρτυρας Στέφανος, St. Stephen Protomartyr, Стéφαν Первомученик, «Ստեփանոս» անունը յուն. Նշանակում է պսակ), բոլոր մարտիրոսներից անդրանիկն է, Քրիստոսի համար նահատակուած առաջին նախասարկաագը: Ստեփանոսի սիրոյ եւ անմնացորդ նուիրումի մասին են *Գործք Առաքելոցի* 6-8րդ գլուխները՝ «Ստեփանոս, այր լի շնորհօք եւ զօրութեամբ, առնէր արուեստս եւ նշանս մեծամեծս ի ժողովրդեանն»:

Նա ոչ միայն օգնում էր կարիքատուներին, նեղեալներին, այլեւ՝ Սուրբ Հոգուց ներշնչուած համարձակօրէն քարոզում էր Աստծու խօսքը եւ հրաշքներ գործում՝ Աստծոյ անունով: Նրա համբաւը շարժում է հրեաների եւ քահանաների նախանձը, որոնք Ստեփանոսին յանձնում են հրեաների բարձրագոյն ատեանին: Սրանք էլ սուտ վկայներ են բերում, որոնք ասում են. «Այրս այս ոչ դադարէ խօսել բանս հայիոյութեան զտեղտոյն սրբոյ եւ զօրինացն: Լուաք ի դմանէ զի ասէր թէ Յիսուս Նազովրեցի, նա քակեցէ զպրեղիս զայս, եւ փոխեցէ զօրէնս զոր ետ մեզ Մովսէս: Եւ հայեցեալ ի նա ամենեցուն որ նստէին յապրենին, տեսին զերեսս նորա իբրեւ զերեսս հրեշտակի» (Գործք 6.13-15):

Ի պատասխան այս մեղադրանքների նա սկսում է մեկնել Հին Կտակարանը. Աբրահամից սկսեալ, հերթականօրէն թում է Յիսուսի մասին մարգարէների կանխասացութիւնները եւ բացատրում, որ քրիստոնէութիւնը ոչ թէ ժխտումն է մովսիսական կրօնի, այլ այդ կրօնի մարգարէութեան իրագործումն ու ամբողջացումը (Գործք 7.1-53): Նրա խօսքերը վրդովեցնում են ներկաներին. այդ պահին Ստեփանոսը երկինք է նայում եւ ասում. «Ահա տեսանձե՛ք գերկիսն բացեալ, եւ զՈրդի մարդոյ զի կայ ընդ աջմէ Աստուծոյ»: Այդ խօսքերից յետոյ սրբին քարկոծում են: Քարկոծուելիս Ստեփանոսը անդադար աղօթում է. «Տէր Յիսուս, ընկալ զհոգի իմ»: Ու ծնկի գալով բարձրաձայն աղաղակում. «Տէր, մի՛ համարիր ողջա զայս մեղս», եւ այս ասելով մահանում (Գործք 7.53-59):

Յայսմատւորքներում Ստեփանոսը յիշատակում է միքանի անգամ, հետեւեալ ամսաթուերին. - Դեկտեմբերի 26 (Քաղոց 18), Սեպտեմբերի 15 (Յողի 6), Յունուարի 7 (Քաղոց 30) եւ Օգոստոսի 2 (Հրոտից 27):

Դեկտեմբերի 26ին նշում է «մեծահանդէս տօն», նուիրուած սուրբ եւ փառատոր մեծ նախավկայի՝ Քրիստոսի առաջին մարտիրոսի, նախապսակ նախասարկաագի, աշակերտի եւ առաքեալի՝ սուրբ Ստեփանոսի պատուին: Ստեփանոսին տրում են հետեւեալ բնութագրումները. հոգետոր պսակ, հաւատի բազմածաղիկ բոյս, սիրոյ անուշահոտ վարդ, յոյսի անթառամ ծաղիկ, խոստովանութեան անխաբելի աշտարակ, համբերութեան անասանելի նահատակ<sup>2</sup>:

Սեպտեմբերի 15ին տօնում է Ստեփանոսի նշխարների տեղափոխումը Երուսաղէմից Կ. Պոլիս: Սսի, Այրիվանքի եւ Տաթեւի վանքերում այդ օրը նշուել է գիտ նշխարաց սրբոյն Ստեփանոսի Նախավկայի տօնը: Նշխարների գիտի եւ Երուսաղէմի Ս. Ստեփանոսի բազիլիկի շինարարութեան պատմութիւնը Յայսմատւորքում ներկայացուած է այսպէս. ոմն մեծատուն եւ վկայասէր Աղեկասնդրոս Երուսաղէմում տաճար է կառուցում ի պատիւ Ստեփանոս Նախավկայի<sup>3</sup>:

Յունուարի 7ին տօնում է Յովհաննէս Մկրտչի, Ստեփանոս Նախավկայի եւ ամենասուրբ Աստուածածնի յիշատակը: Յունուարի 7ի տօնի խորհուրդի մէջ ներկայացում է Ստեփանոսի պաշտամունքի աստուածաբանութիւնը.

Սուրբ Ստեփանոսը Քրիստոսի նախավկան էր, առաջին վկան եւ մարտիրոսը, որ բարձրացել է երկինք եւ ոչ թէ իջել անդունդ ու դժոխք: Հրեաները հայիոյում էին նրան, սակայն նա վկայում է որ ճշմարիտ Աստուածը Նա է, որին իրենք սպանել են, որը ծնուել էր Ս. կոյս Մարիամից եւ մկրտուել Յովհաննէս Մկրտչի կողմից: Նախավկան պէտք է նահատակուէր. «Չի պարտ է ճշմարիտ քահանայապետին Քրիստոսի մտանել ի Սուրբն Սրբոց, ընդ նմին լինել եւ տեսանել սարկաագին՝ Սուրբ Սրեփանոսի Նախավկային Քրիստոսի: Եւ ուր թագաւորն բազմի, անդ կալ եւ

զինտորին: Այս խորհրդովս կապարի յիշարակ սոցայ յեկեղեցիս Քրիստոսի, որում փառք յափրեանս. Ամէն»<sup>4</sup>:

Յետոյ բացատրում է, թէ ինչու է կատարում Ս. Ստեփանոսի յիշատակը. նա հետեւել է իր Տիրոջը, որին եւ պէտք է սպասատրէր ու սարկաւագ լինէր: Ստեփանոսը հալածելու ժամանակ գլուխը բարձրացնում է դէպի երկինք եւ տեսնում Աստծուն: Եւ Տէրը ասում է. «Դա է որդի իմ սիրելի, ընդ որ հաճեցայ: Որոյ այսպար եւ Հոգին Սուրբ աղանակերպ երեւմամբ իջեալ վկայեաց ծայնի Հար, երեւցոյց զփառակիցն իւր՝ ճշմարիտ թագաւոր երկնի եւ երկրի»<sup>5</sup>:

Օգոստոսի շին տօնում է Վերադարձումն նշխարաց սրբոյն Ստեփանոսի Նախավկային Քրիստոսի: Այս տօնը բնորոշ է նաեւ Կաթողիկէ եկեղեցուն:

Տօնը կապուած է հետեւեալ իրադարձութեան հետ, որը յայտնի է եկեղեցական ասանդութեան ձեւով. երբ Ստեփանոս Նախավկան քարկոծում եւ մահանում է, Գամաղիէն ու Նիկողիմոսը թաղում են նրան ագարակում, սակայն թաղման տեղը անյայտ է մնում: Երուսաղէմում՝ Ոնորիոսի եւ Թէոդոսի թագաւորութեան ու Յովհաննէսի՝ հայրապետութեան ժամանակ, Ղուկիանոս անունով քահանային տեսիլք է գալիս սուրբ Գամաղիէլը՝ պայծառ հանդերձով եւ ոսկի գաւազանով ու հրամայում է հանել Ս. Ստեփանոսի նշխարները եւ տանել Երուսաղէմ: Հայրապետը հրամայում է հանել եւ տանել նշխարները Երուսաղէմ: Այդ ժամանակ Աղեկասանդոս անունով թագաւորն իր կնոջ՝ Յովհանայի հետ գալիս է Երուսաղէմ եւ կառուցում եկեղեցի՝ Նախավկայ անունով ու նշխարները դնում այնտեղ: Եւ երբ վախճանում է Աղեկասանդոսը, նրան դնում են Ս. Ստեփանոսի կողքին: Շատերն ուզում էին ամուսնանալ նրա շատ գեղեցիկ կնոջ հետ, սակայն նա չէր ցանկանում, եւ հայրապետին խնդրում է վերցնել իր ամուսնու մարմինը եւ տանել Կ. Պոլիս: Հայրապետը թոյլ է տալիս, սակայն կինը շփոթմունքով իր ամուսնու տապանի փոխարէն վերցնում է Ս. Ստեփանոսի տապանը, որտեղ էլ լինում են սրբի նշխարները: Եւ երբ գնում են Ասկոլոն քաղաք, իրեշտակի ծայն է լսում, որն ասում է. «Սա է սուրբ Նախավկայն Ստեփանոս», եւ անուշ հոտ է բուրում: Կինը ուրախանում է Աստծու այս պարգեւից եւ քաղաքում շատ դիւահարներ են բժշկում: Եւ երբ նա է վարձակալում Կ. Պոլիս գնալու համար, ծովում փոթորիկ է սկսում, նրանք աղաղակում են Տիրոջը եւ Ս. Նախավկային, եւ նա երեւում ու քաջալերում է, ծովը հանգստանում է, տապանին լոյս է իջնում: Երբ հասնում են Քաղկեդոն, վեց օր հանգստանում են, բազում հիւանդների են բժշկում: Դեւերը աղաղակում էին. «Վա՛յ մեզ, զի եկն Նախավկայն Ստեփանոս հալածել զմեզ»<sup>6</sup>:

Եւ երբ հասնում են Կ. Պոլիս, եւ նրանց հոչակը տարածում է, Թէոդոս թագաւորն ու Աստիկոս հայրապետը քահերով ընդառաջ են գնում: Եւ մի

դիահար կին աղաղակում է. «Ո՛ր, բռնութեան Սրբոյն Նախավկայիս, որ եկն ի քաղաքս յայս հալածել մեզ»<sup>7</sup>:

Այս տեսնելով տեռատինները (կանացի հիանդութիւն ունեցողներ) եւ այլ հիանդներ գալիս եւ կպնում են տապանին ու բժշկում: Եւ թագատրը ոսկեպատ կառքով նշխարները տանում է քաղաք, եւ երբ հասնում է Կոստանդիանոսի հրապարակ, կառքը կանգնում է եւ լսում է ծայն. «Աստ հաճեցաւ Աստուած բնակիլ սուրբ Նախավկայիդ»<sup>8</sup>:

Ս. Ստեփանոսի նշխարների գիտի մասին վկայութիւններ կան բոլոր ճառընտիրներում: Մէկ այլ ասանդութիւն ենք տեսնում Մկրտիչ Եպս. Աղանունու մօտ, ըստ որի, Ղուկիանոս քահանան նոյն գիւղի Գաբատաղիա ագարակի մէջ գտնում է Ստեփանոսի, Նիկողիմոսի, Գամաղիէլի եւ նրա որդու Աբիբայի նշխարները: Երուսաղէմի Յովհաննէս պատրիարքը նշխարների մեծ մասը հանդիսատրութեամբ տեղափողում է Սիոնի վերնատուն, որն էլ վերածում է եկեղեցու: Ոչ մի վկայութիւն չկայ, թէ ուր են թաղել Ստեփանոսի մարմինը: Սիոնի Ս. Ստեփանոս եկեղեցին հին դարերից համարում է հայկական սեփականութիւն, որը յիշատակում է մինչեւ 1370: 1334ին այնտեղ ընդօրինակուած գրչագիրեր են պահպանուել Ս. Յակոբ Վանքի ձեռագիր մատենադարանոս<sup>9</sup>:

Ինչպէս տեսնում ենք վերոյիշեալ պատումից, Հայ Առաքելական Եկեղեցու ասանդութեան մէջ գոյութիւն ունէր Ս. Ստեփանոսի եւ նրա նշխարների հիմքով առաջին վկայարան-եկեղեցին կառուցելու մասին պարականոն պատմութիւն, որի մէջ հանդէս են գալիս աստուածաշնչեան (Գամաղիէլ, Նիկողիմ), պատմական (Թէոդոս կայսր, Երուսաղէմի հայրապետ Յովհաննէս, Ատտիկոս) եւ կեղծ-պատմական, առասպելական անձնատրութիւններ (Աղեկսանդր եւ իր կին Յովհանա):

Շարակնոցում Ս. Ստեփանոսի տօների ժամանակ կատարուող երգասացութեան կանոնի հեղինակութիւնը պատկանում է Յովհաննէս Օծնեցի կաթողիկոսին: Դա ինքնին նշանակում է, որ Ը. դարում Հայ Առաքելական Եկեղեցին արդէն իսկ ունէր Ս. Ստեփանոսին նուիրուած զարգացած ծիսակարգ: Կանոնում նշում է, որ Ստեփանոս Նախավկան բարի նահատակ է, որը մտել է յափտենական խորհրդի վերնատուն, թագատրի կողմից պսակուել է անթառամ պսակով: Կանոնում նրան համարում են Քրիստոսի ճգնատր: Ստեփանոսը բարեխօս է առ Քրիստոս, նա թողութիւն է խնդրել ժողովրդի եւ իր ուխտատրների համար<sup>10</sup>:

Ստեփանոս Նախավկայի կերպարին անդրադարձել է նաեւ Ներսէս Շնորհալին՝ «Տաղ Սրբոյն Ստեփանոսի Նախավկայի, Տեառն Ներսէսի Կաթողիկոսի» տաղի մէջ<sup>11</sup>: Այնտեղ Շնորհալին Ստեփանոսին համեմատում է սիրաբողբոջ ծաղկի, քաղցրահամ պտուղի, նախամարտիկ վկայի, պսակի, իմաստութեան բաժակի եւ նշում, որ նա մնան է եղել հրեշտակի:

...Ի խաչին փրկեալ որթոյն

Ողկոյզ վաղահաս խայծեալ<sup>12</sup>...

...Փառաց թագաւորն երկնից  
Յայտնեալ զհնոտրին յերկրի  
- Ի յասպարիսիդ վասն իմ  
Դու մի՛ երկընչիր,- աւէ<sup>3</sup>:...  
...Սուրբըդ Սրեփանոս պսակ  
Եւ նախամարտիկ վըկայ,  
Վասըն փանողացըս քո  
Լեր միշտ բարեխաւ առ Տէր<sup>4</sup>:...  
...Խաչին խաղաղոյ զիմաստութեան բաժակն  
Մանկանց Սիրնի նորոյ ի յուրախութին  
Մարըռոակելով, սուրբըն Սրեփանոս<sup>5</sup>:...

Այստեղ առաջին անգամ ենք հանդիպում ոչխարի եւ գառան կերպա-  
րին. կարող ենք ասել, որ դա տեսնում ենք միայն Ներսէս Շնորհալու մոտ:  
Կացեալ յարենի վասն ոչխարին իւր, գառն  
Որոջ վայելուչ կըտրեալ գեղմըն լուսակիզն  
Հրէական ձեռաք, սուրբըն Սրեփանոս<sup>6</sup>:

Նա համարում է Քրիստոսի առաջ բարեխոս:  
...Սրեփանոս՛ս, պըսակ շնորհաց գըեզ պըսակողին,  
Լեր միշտ բարեխաւ զմեզ կեցուցանել<sup>7</sup>:...  
...Ամէնաւրինեալ կուսի Մարիամու Աստուածածնի՛  
Մեծին ի ծնունդս կանանց,  
Նախահրաւէր այսմ շնորհի Մկրտչին Յովհաննու,  
Նախնոյ վկայից եւ սարկաւագաց՝ սրբոյն Սրեփանոսի,  
Առաքելովք եւ մարգարէիք,  
Մարտիրոսաք եւ ճգնատրաք,  
Եւ համարէն սովաւ աւծելովք արդարոցն  
Եւ որ այսր աւծմամբ զմեզ Լուսատրչի՛ սրբոյն Գրիգորի՛<sup>8</sup>:

Ստեփանոսի պատմութեանը անդրադարձել է նաեւ Գրիգոր Տաթեա-  
ցին: Իր Քարոզգրքի «Ամարան Հատոր»ում զետեղուած մանրամասն  
աստուածաբանական վերլուծութեան<sup>19</sup> մէջ, Տաթեացին ոչ միայն մեկնում  
է Նախավկային վերաբերող աստուածաշնչեան հատուածները, այլեւ կա-  
րեւորագոյն յաւելում է անում.

«Ձի բազմերջանիկ վկայն Քրիստոսի էր իր թագաւորական զարմէն  
Յուդայի. ցեղակից եւս Քրիստոսի պատուեալ. եւ օրինապահ ծնողա-  
զաակ: Եւ յորժամ ըմբռնեցաւ Քրիստոս ի դատաստան մահու, էր սա  
պատանի հասակաւ. եւ ծառայ քահանայապետին Կայիափայ: Իսկ նա  
աղէխարշեալ եւ բազում արտասուք փեսեալ զմահ նորա եւ զթաղումն,  
եւ ուրախացեալ ընդ առաքեալսն յարութեամբն Քրիստոսի, յարեցաւ ի

*նոսա եւ մկրտեցաւ ի Պեփրոսէ: եւ ի Յոհաննոս: եւ փոսեալ առաքեալքն պսակ կազմեալի լուսոյ ի վերայ ջրոյն, հանգեաւ ի վերայ նորա: եւ վասն այնր անուանեցին զնա Սպեւփանոս՝ որ է պսակաւոր»<sup>20</sup>:*

Ինչպէս տեսնում ենք, Տաթեւացին բերում է աստուածաշնչեան պատմութիւնից տարբեր մի պատմութիւն՝ Յիսուսի եւ Ստեփանոսի առաջին հանդիպման մասին, որ տեղի է ունեցել դեռեա Տիրոջ երկրային կեանքի օրօք:

Ըստ Տաթեւացու, Ստեփանոսը առաջին նահատակաց հանդիսադիրն է, երիցս երանելի է, պատկերով նախատիպն է Քրիստոսի եւ դեռ մօր որովայնում է ընտրեալ եղել: Ստեփանոսը բազմաթիւ շնորհներ ունէր. դեւերին էր հալածում, հիւանդներին բժշկում, մխիթարում եւ սփոփում այրիներին, խնամում որբերին, ընկածներին պաշտպանում, իսկ անիրաններին՝ յանդիմանում:

Ըստ Տաթեւացու, տօնին պատրաստում էին նախօրօք. եկեղեցու մանկունք ի պատիւ սրբի՝ գիշերային հսկում էին կատարում, որի ժամանակ զարդարում էին խաչը, կանթեղը, մոմերը եւ խունկ էին ծխում: Սա տեսնում ենք առաջին հերթին Ներսէս Շնորհալու մօտ, որտեղ նա եւս նշում է, որ գիշերային հսկում է կատարում:

Հմայիլներում նոյնպէս հանդիպում ենք Ստեփանոս Նախավկային նուիրուած աղօթքի.

*Ի քնն հայցեմք արտասուքին,  
Նախավկայ Տէր Արարչին,  
Աք. Սպեւփանոս բարձօղ երկնի,  
Տեսանող ես աջմէ Ծնօղին:  
Տալ մեզ հանգիստ ի անկողնի,  
Արթուն լինել առաւօտին»<sup>21</sup>...*

ՍՏԵՓԱՆՈՍ ՆԱԽԱՎԿԱՅԻ

ԺՈՂՈՎՐԴԱԿԱՆ ԵՒ ԲԱՆԱՀԻԿԱԿԱՆ ԿԵՐՊԱՐԸ

Ստեփանոս նախավկային վերաբերող ժողովրդական նիւթերը կարելի է դասակարգել ըստ սեռի (բայաթի, հանելուկ, ասանդագրոյցներ...), ըստ տեղի (Բոլնիս-Խաչէն, Ջաւախք, Գիւմրի, Սպարկերտ), ըստ գրոյցի՝ սրբավայրի հետ առնչութեան, ըստ տօների (Ծաղկազարդ, Տեսանընդառաջ):

Ղազարոս Աղայեանը յիշատակում է, հաւանաբար, իր ծննդավայրի հնչոց մէջ տարածուած երգի հետեւեալ մոտիւր.

*«Այս քայաթին մի հայ սուրբի համար է ասուած.*

*Պապիկն եմ ես այս քարից,*

*Այս պառակից՝ այս քարից*

*Ոչ հայր ունիմ եւ ոչ մայր*

*Ծնունդ առայ այս քարից»<sup>22</sup>:*

Այստեղ տեսնում ենք, որ սուրբը ծնում է քարից: Ելնելով ներքոյիշեալ նիւթից, որը գրանցել է Երուանդ Լալայեանը Ջաախքում, եւ որում նշում է, որ Տեանընդառաջի տօնի ժամանակ քարից ծնում է երեխայ, որն էլ հենց Ստեփանոս Նախավկան է, ենթադրում ենք, որ այդ բայաթին վերաբերում է Ս. Ստեփանոսին:

*Տեանընդառաջին, երբ բազմաթիւ կանայք երեխաները գրկերը շփապում էին դիմատրեւու Աստուածամօրը եւ աղջիկներն իրատուք չունէին մասնակցելու, մի օրիորդ դնում է քար գոգնոցի մէջ եւ վազում դէպի Ս. Կոյսը: Սրան մօտեանալիս յանկարծ լացի ծայն է լսում եւ նայում, տեսնում է գրկում քարը երեխայ դարձած<sup>23</sup>:*

Ազգագրական այլ շրջաններում եւս հանդիպում ենք ասանդագրոյցների, որտեղ Ստեփանոսը ծնում է քարից:

Հին ժամանակներում հայերը Սպարկերտին անուանում էին Նաեւ Ս(ուրբ) Պատկեր(ք): Այդ անուանումը կապուած է առանձին գրոյցի հետ, ըստ որի Քրիստոսը իր պատկերը ուղարկում է Սպարկերտ, եւ տեղի անունը մնում է Պատկեր: Երբ Քրիստոսը գալիս է Դարունա գիւղ (Խիզանի մէջ), տղամարդիկ վարդ ու ռեհան ձեռքներին բռնած, կանայք էլ իրենց երեխաներին գրկած ընդառաջ են գնում Քրիստոսին, սակայն մի կին երեխայ չի ունենում, գետնից քար է վերցնում եւ գնում: Երբ ասում է. «Ովսաննա, դու՛ն ես Աստուած», այդ քարը կնոջ թեփն դառնում է տղայ, որն էլ, ինչպէս նշում է գրոյցի մէջ, Ս. Ստեփանոսն է եղել: Այս գրոյցին կից մի հանելուկ են ասում. «Ան ո՛վ էր՝ անհայր անմայր՝ էղաւ մարգարէ», դա Ս. Ստեփանոսն էր: Դրա հիման վրայ էլ Կոտի գիւղում կառուցել են Ս. Ստեփանոս անունով եկեղեցի<sup>24</sup>: Փաստօրէն, այն, ինչը Աղայեանի նիւթում երգ-բայաթի էր, այստեղ հանդէս է գալիս որպէս հանելուկ:

Հարց է, թէ ինչպէս է տեղի ունեցել անցումը բուն աստուածաշնչեան պատումից՝ ժողովրդական գրոյցները, որոնց պատումները բաականին հեռու են Աստուածաշնչից:

Ղուկասի աստարանում Յիսուսի մուտքը Երուաղէմ հետեւեալ կերպ է ներկայացրած. երբ Յիսուսը եկաւ Երուաղէմ մարդիկ իրենց զգեստները փռում էին ճանապարհի վրայ, երբ մօտեցան Ձիթենեաց Լեռան, աշակերտների բազմութիւնը սկսեց ողջունել եւ փառաբանել Աստծուն: Եւ ասում էին. «Օրհնեալ որ գայ թագաւորդ յանուն Տեան, խաղաղութիւն յերկինս եւ փառք ի բարձունս»: Իսկ փարիսեցիներից ոմանք ամբոխի միջից ասացին նրան. «Վարդապետ, սաստեա աշակերտացդ քոց»: Նա պատասխանեց եւ ասաց. «Ասեմ ձեզ զի եթէ դոքա լոնսցեն, քարինքդ աղաղակեսցեն (Ղուկ. ԺԹ. 35)»:

Գրիգոր Տաթեացու մօտ տեսնում ենք հետեւեալ պատմութիւնը՝ Յիսուսի մուտքի առնչութեամբ. «Եւ յորժամ ի տուն նորածին զփրկիչն մեր ա-

սեն. զվարշամակն որով պատեալ էր զգլուխն, փարածեաց առաջի ուրից Տեանն. եւ զնաց ի վերայ նորա: Եւ յորժամ սաստիկն թէ, զի՞նչ գործեցեր, սասց. այսպէս արարին աշակերտքն եւ ժողովուրդքն յորժամ ամանակաւ գայր յերուսաղէմ. եւ ես կամիմ աշակերտիլ սմա եւ երկիրպագանել. եւ ոչ հաւասարիմ անօրէն խորհրդոց ձերոց. եւ վասն այսց բանից՝ զան հարեալ ի քահանայապետէն ի բաց հանաւ ի նմանէ»<sup>25</sup>:

Կայ եւ մէկ ժողովրդական տարբերակ, որը գրի ենք առել դաշտային հետազօտական աշխատանքների ժամանակ, որի համաձայն, երբ Տէրը գալիս է Երուսաղէմ, ասում են՝ ով երեխայ չունի, թող գայ տիրոջը տեսնելու: Գալիս է մի կոյս աղջիկ, որը սանդաքարը բալուլ արած մօտենում է Տիրոջը, եւ Տէրը ասում է. «սանդաքար լո՞ւր լո՞ւր – ձայն հանիր»: Այդ ժամանակ գրկի քարը երեխայ է դառնում<sup>26</sup>:

Ժողովրդական բանահիւսութիւնն ակնարկում է որոշակի տօնական ժամկէտներ: Կապուած են դրանք արդեօք Ս. Ստեփանոսի պաշտամունքի ժողովրդական եւ եկեղեցական ժամկէտների հետ: Ստեփանոս Նախավկայի օրը եկեղեցին նշում է Դեկտեմբերի 26ին, իսկ ժողովրդական պաշտամունքում սրբի տօնը ժամանակագրական առումով տարբեր է: Այսպէս, Մաստարա գիտի Ստեփանոս Նախավկայի ուխտը նշում է Զատիկի (Ս. Յարութեան) տօնին յաջորդ Կիրակին եւ կոչում է Կանաչ Կիրակի, Սառնաղբիւրի Հոգեաց Վանքի Ս. Ստեփանոսինը՝ Զատիկից երկու շաբաթ յետոյ եւ կոչում է Կարմիր Կիրակի, Արթիկի Լմբատավանքի ուխտը՝ Հոկտեմբերի առաջին շաբաթը, Կոշի Ս. Ստեփանոսինը՝ Հոկտեմբերի առաջին Կիրակի օրը: Այրիվանքում, Տաթեւում, Սիսում եղել են Ս. Ստեփանոսի մասունքներ եւ կատարուել է նշխարների գիտի տօն, սակայն 1830ականներին այդ մասունքները տարուել են այդտեղից, հետեւաբար տօնակատարութիւն այլեւս չի կատարում<sup>27</sup>:

Վահան Տէր Մինասեանը եւս Ս. Ստեփանոսի մասին ամանդագրոյցը կապում է Ծաղկազարդի տօնի հետ: Ըստ նրա տարբերակի, Ծաղկազարդի օրը, երբ Յիսուսը գալիս է Երուսաղէմ, բոլորը ցնծութեամբ դիմատրում են, բայց մի կին տխուր-տրտում արտասւում էր, որովհետեւ նա ամուլ էր, իսկ ամուլներին արգելուած էր այդպիսի հանդէսների մասնակցել: «Մ'ի, կը հեծծօժը այս կինը, ինչու՞ ես ալ Իսրայէլի այս կիներուն պէս մանկիկ մը չունենայի գիրկս եւ անոնց մէջ չխառնուէի եւ այս օրուան Աստուածային օրհնութեան արժանի չըլլայի»: Տէրը տեսնելով, որ նա արտասւում է Թաղէին ուղարկում է նրա մօտ, որպէսզի տեսնի ինչու է այս ուրախ օրը սիրտնութեամբ պատում: Կինը ահաբեկուած ասում է. «Տէ՛ր, ամուլ եմ եւ...»: Թաղէն ընդհատում է նրան. «Լալէդ չճաթեցա՞ր, ես, խեղք չե՞ս ըներ գիրկդ քար մը առնուլ, պլլել զայն լաթով եւ իբր մանուկ զայն գրկած՝ փութալ ընդ առաջ»: Բոլոր հաւաքուածները ծիծաղում են, սակայն կինը հետեւում է Թաղէի խօսքին, եւ որքան մեծ է լինում բոլորի զարմանքը, երբ նրա գրկի քարը երեխայ է դառնում ու անդադար գոռում. «Ովսան-

նա՛, Ովսաննա՛»: Եւ Յիսուսը իր հակառակորդներին պատասխանում է. «Եթէ դոքա (մանկիկները - Լ.Ա.) լռեցեն, քարինքդ աղաղակեցեն»:

Յետոյ Տէրը նայում է Թաղէին, որն այդ քար-երեխայի հեղինակն ու հայրն էր եւ ասում է. «Թաղէ՛, այդ քարէ ծնած չոճուկը քարէ պիտի մեռնի, քարկոծ պիտի ըլլայ, եւ քո ժողովուրդը քարէ ծնած ժողովուրդ թո՛ղ ըլլայ, քարի պէս հաստատուն իր հաստատուն մէջ»: Եւ բոլոր հին ասանդոթիւնները, որոնց մէջ են հին Յայսմատուրքը եւ ժողովածուն, միաձայն ասում են, որ այդ պէպէք քարը սուրբ Սրբեփանոսն է, որի կնքահայրը եղաւ Թաղէ առաքեալը»<sup>28</sup>:

Այլ այլ ասանդագրոյց ենք տեսնում Ն. Ներսիսեանի մօտ, որի պատմութիւնը եւս կապուած է Ծաղկազարդի տօնի հետ: Յիսուսի Երուսաղէմ գալստեան ժամանակ, բոլորը շտապում են նրան տեսնելու, սակայն հրեաների մօտ սովորութիւն կար, որ աղջիկները, նորահարսերը եւ բոլոր այն կանայք, ովքեր երեխաներ չունէին չէին կարող մասնակցել այդպիսի հրապարակային ու ժողովրդական հանդէսների: Սակայն մի նորահարս, որը երեխայ չունէր եւ շատ էր ուզում մայրանալ եւ չդառնալ հասարակութեան ծաղոնքի առարկայ, քարը վերցնում փաթաթում է զանազան մանկական շորերով եւ խառնում ամբոխին: Եւ երբ Յիսուսը արտասանում է. «Եթէ դոքա լռեցեն քարինքդ աղաղակեցեն»՝ նորահարսի գրկում քար-մանուկը կենդանանալով բազմութեան հետ սկսեց աղաղակել «Ովսաննա՛»: Եւ ինչպէս պատմում են, մանուկը Ստեփանոսն էր, առաջին մարտիրոսը, որը նոյնպէս քարով, քարկոծուելով մեռաւ: Քարից ծնուաւ քարով էլ մեռաւ»<sup>29</sup>:

Ինչպէս տեսնում ենք՝ եթէ ղեկավարուենք Ղուկասի անտարանով, այդ մանուկը չէր կարող լինել Ստեփանոսը, սակայն պատմութիւնը կապում է Քրիստոսի մուտքը Երուսաղէմ՝ Նախավկայի հետ: Անտարանում Յիսուսը հրեաներին պատասխանում է, որ եթէ աշակերտները լռեն քարերը կ'աղաղակեն, իսկ ժողովրդական նիւթերում տեսնում ենք, որ այդ աղաղակող քարերից մէկից է ծնում Ստեփանոս Նախավկա: Ըստ Ղուկասի, Տիրոջ մուտքի ժամանակ բոլորը հագուստներ էին գցում նրա առջեւ, նման բանի մենք հանդիպում ենք նաեւ Գրիգոր Տաթեւացու մօտ, որտեղ էլ նա նշում է, որ ինքը Ստեփանոսն է վարշամակ գցում Տիրոջ ոտքերի տակ: Ահա այսպէս միմեանց են կցում Նախավկայի հետ կապուած մի շարք մոտիւներ, ծնունդ տալով ինքնուրոյն մի պատումի:

## ԵԶՐԱԿԱՏՈՒԹԻՒՆ

Ստեփանոս Նախավկայ անունը կրող բազմաթիւ վանքեր, եկեղեցիներ եւ մատուներ են կառուցուել, որոնց մի մասն ունի իր կենդանի ուխտագնացութեան ասանդոթը: Դրանց ուխտագնացութեան ժամկետերը չեն համընկնում սրբի պաշտօնական տօնի հետ: Ա. Ստեփանոս Նախա-

վկայի բուն ժողովրդական պաշտամունքը միանշանակօրէն չի ածանցում պաշտօնական եկեղեցու եւ գրատր աղբիւրների ասանդոթից:

Գրատր աղբիւրներում տեսնում ենք, որ Ստեփանոս նշանակում է պսակ, եւ իր այդ անունը բխում է մկրտութեան արարողութեան ժամանակ տեղի ունեցած հրաշքից, իսկ ժողովրդականում նա քարի հետ է կապուած ինչպէս մահով, այնպէս էլ ծնունդով: Ստեփանոսի ծնունդը ժողովրդական նիւթերում կապուած է Տեառնընդառաջի, Ծաղկազարդի տօների հետ: Աանդագրոյցներից մէկում տեսնում ենք, որ Ստեփանոսին ծնունդ տուողը Թաղէ առաքեալն է, եւ նրա ժողովուրդն էլ քարից է ծնում: Եւ քանի որ Հայաստան քրիստոնէութիւն տարածողը հենց Թաղէն էր, կարելի է ենթադրել, որ քարից ծնուած այդ ժողովուրդը հայերն էին, իսկ Ստեփանոսը նրանց նախահայրը: Ինչը տեսնում ենք Աղայեանի բայաթիի մէջ, թէ բայաթին մի հայ սրբի մասին է ասուած:

## ԾԱՆՕԹԱԳՐՈՒԹԻՒՆՆԵՐ

- <sup>1</sup> Ներսէս Շնորհալի, «Քարոզ Ձայնի Յաւետարանին, Տեառն Ներսէսի», *Տաղեր եւ Գանձեր*, Երեւան, Հայկ ՍՍՀ ԳԱ Հրատ., 1987, էջ 327-8:
- <sup>2</sup> *Համաբարբառ Յայսմատուրք*, Քաղոց ԻԶ, Կ.Պոլիս, 1834, էջ 117-25:
- <sup>3</sup> *Համաբարբառ Յայսմատուրք*, Թ, Ս. Էջմիածին, 2010, Համաքրիստոս. (=Հ) եւ Խիզանի (=Խ), էջ 203:
- <sup>4</sup> *Համաբարբառ Յայսմատուրք*, Ա, Յունուար, աշխ.՝ Եզնիկ Արք. Պետրոսեան, Ս. Էջմիածին, 2008, Անանուն Ա խմագրութիւն, էջ 100-2:
- <sup>5</sup> Անդ:
- <sup>6</sup> Անդ:
- <sup>7</sup> Անդ:
- <sup>8</sup> Անդ:
- <sup>9</sup> Մկրտիչ Եպս. Աղանունի, *Սուրբ Երկրին Սրբավայրերու Աանդութիւնները*, Երուաղէմ, Տպ. Սրբոց Յակոբեան Վանքի, 1936, էջ 138-41:
- <sup>10</sup> *Շարական Հոգետր Երգոց Սուրբ եւ Ուղղափառ Եկեղեցոյս Հայաստանեայց Յօրինեալ*, Ս. Էջմիածին, 1861, էջ 83-8:
- <sup>11</sup> Ներսէս Շնորհալի, «Տաղ Սրբոյն Ստեփանոսի Նախավկայի, տեառն Ներսէսի Կաթողիկոսի»՝ *Տաղեր եւ Գանձեր*, էջ 239-47:
- <sup>12</sup> Նոյն, էջ 239:
- <sup>13</sup> Նոյն, էջ 240:
- <sup>14</sup> Նոյն, էջ 241:
- <sup>15</sup> Նոյն, էջ 242:
- <sup>16</sup> Նոյն, էջ 243:
- <sup>17</sup> Անդ:
- <sup>18</sup> Ներսէս Շնորհալի, էջ 327-8
- <sup>19</sup> Գրիգոր Տաթեւացի, *Գիրք Քարոզութեան Որ Կոչի Ամառան Հաբորը*, Կոստանդնուպօլիս, 1741, էջ 670-80:
- <sup>20</sup> Նոյն, էջ 671:
- <sup>21</sup> ՄՄ, Հմայիլ N<sup>o</sup> 124:

- <sup>22</sup> Ղ. Աղայեանց, «Հայոց Այծմեան Բանատր Երգերը», *Տարագ*, 1890, 1, էջ 12:  
<sup>23</sup> Ե. Լալայեան, *Ջաախը. Հաալըք*, Գիրք Ա., Թիֆլիս, 1896, էջ 323:  
<sup>24</sup> Տիգրան Չիթունի, Ե. Չարենցի Անուան Գրականութեան եւ Արուեստի Թանգարանի Արխիւ, 97թ., էջ 18-9:  
<sup>25</sup> Գրիգոր Տաթեւացի, էջ 671:  
<sup>26</sup> Լ. Սիմոնեան, Կ. Յովհաննիսեան, Լ. Աւետիսեան, ԴԱՆ, Շիրակ, Կապս, 2017, բանասաց՝ Գրիգոր Տեպոյեան (86տ):  
<sup>27</sup> Այս տեղեկութեան համար յատուկ շնորհակալութիւն՝ Տաթեի վանքի վանահայր հայր Միքայէլին:  
<sup>28</sup> Վ. Վրդ. Տէր Մինասեան, *Անգիր Դպրութիւն եւ Հին Սովորութիւններ*, Կ. Պոլիս, 1904, էջ 163-4:  
<sup>29</sup> Ն. Ս. Ներսէսեան, «Ստեփանոս», *Քիւրակն*, Կ. Պոլիս, 1899, 50-2, էջ 794:

ST. STEPHANOS: THE PROTOMARTYR'S IMAGE IN  
MEDIEVAL ARMENIAN LITERATURE AND FOLKLORE  
(Summary)

LIANA AVETISYAN  
Lian19921992@mail.ru

There are many monasteries, churches and chapels in historical Armenia dedicated to St. Stephan the Protomartyr and some of them have a living tradition of pilgrimage. The dates of those pilgrimages do not coincide with the official date of the saint's commemoration. Folk worship of St. Stephan the Protomartyr does not directly originate from the official Church and literal tradition.

In sources 'Stephanos' is explained as 'wrath', and the name is a consequence of a miracle during the rite of baptism, but in folk tradition the saint is connected with stones by his birth as well as by his death. Stephan's birth occurs either on *Tearn'ndaraj* (Candlemas) or on *Tskhkazard* (Palm Sunday).

